


BREVE SANCTISSIMI D. N. GREGORII XV.  
 Quo Societatis Iesu Religiosis vsus Bullæ Cruciatæ, quo ad eligendum  
 Confessarium, & obtinendam absolutionem à referuatis interdicitur.



GREGORIUS PAPA XV.  
 Ad perpetuam rei memoriam.

**R**OMANVS Pontifex ad ea sollicitudinis suæ partes intendere debet, per quæ religioforum status in pace, & quiete tutius conseruatur. Sanè cum ratio doceat, & experientia compertum sit religionibus valde perniciosum exillere, vt eorum religiosis licitum sit Confessarium sibi eligere, & licet se rec: Gregorius xiiij. & Clemens viij. Rom. Pont. prædecessores nostri per suas in forma Breuis litteras expressè prohibuerint, ne Religiosi Societatis Iesu facultatibus Cruciatæ Sanctæ vt absq; superiorum suorum licentia valerent, nihilominus, quia nonnulli existimant, ex clausulis litterarum dictæ Cruciatæ cuiusq; ipsius Societatis priuilegio derogari, & propterea ipsis Religiosis huiusmodi facultatibus vti licitum esse, speciali ad hoc nostro, & Apostolicæ Sedis opportuno remedio necesse sit. Nos pro nostri pastoralis muneris debito ea, quæ ipsius Societatis quieto, & pacifico statui, ad debitæ superioribus obedientiæ conseruandæ opportuna esse cognoscimus, salubriter prouidere volentes: Motu proprio, & ex certa scientia, meraq; deliberatione nostra, ac de Apostolicæ potestatis plenitudine, hac nostra perpetuo valitura constitutione sancimus, nulli Religioforum eiusdem Societatis licere facultatibus Cruciatæ huiusmodi in quacunq; Mundi parte publicatæ, vel publicandæ quoad eligendi confessarium, & obtinendi absolutionem à casibus referuatis vti, nec eis quo ad hanc eligendi Confessarium & obtinendum absolutionem prædictam facultatem Cruciatæ huiusmodi suffragari, minusq; præsentibus litteras sub quibuscunq; eiusdem Cruciatæ concessionibus, extensionibus, prorogationibus, & confirmationibus factis, & pro tempore quomodolibet faciendis comprehendendi, sicq; per quoscunq; Iudices ordinarios, & delegatos sublata eis, aliter iudicari, & interpretandi facultate, iudicari, & diffiniri debere, ac irritum, & inane si secus super his à quoquâ quauis auctoritate scienter, vel ignoranter contigerit attentari decernimus. Non obstant præmissis, ac quibuscunq; constitutionibus, & ordinationibus Apostolicis, statutis quoq; & consuetudinibus etiam iuramento, confirmatione Apostolica, vel quauis firmitate alia roboratis, cæterisque contrarijs quibuscunq;. Volumus autem, vt præsentium trar. sumptis etiam impressis manu Secretarij Societatis, vel Notarij publici subscriptis, & sigillo eiusdem Societatis, vel personæ in dignitate Ecclesiastica constitutæ munitis eadem vbiq; fides habeatur, quæ præsentibus ipsis haberetur. Datum Romæ apud Sanctum Petrum sub Annulo Piscatoris, die xxvj. Februarij M. D. CXXII. Pontificatus Nostri Anno Secundo.

S. Card. S. Sufannæ.

ROMÆ, Ex Typographia Reu. Camera Apostolica. M. DC XXII.

*Gregorius Sacerdos Sacerdos*

